



Broj: 04-47-5-526-24/23VT
Banja Luka, 30. 06. 2025. godine

Institut za intelektualno vlasništvo Bosne i Hercegovine (u daljem tekstu: Institut), na osnovu člana 14. stav (1) Zakona o kolektivnom ostvarivanju autorskog i srodnih prava („Službeni glasnik BiH“, br. 63/10; u daljem tekstu: Zakon), člana 115. stav (1) i 193. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po službenoj dužnosti, d o n o s i

RJEŠENJE

1. **Stavlja se van snage** Rješenje Instituta za intelektualno vlasništva Bosne i Hercegovine broj: 04-47-5-526-21/23VT od 03. 07. 2024. godine, kojim je Asocijaciji izvođača i svirača (AIS), Sarajevo, uslovno oduzeta dozvola za obavljanje djelatnosti kolektivnog ostvarivanje prava izvođača muzičkih djela, jer je AIS postupio po nalogima Instituta i otklonio utvrđene nepravilnosti u radu.

2. Ovo rješenje stupa na snagu danom donošenja.

Obrazloženje

TOK POSTUPKA

Postupajući po službenoj dužnosti, na osnovu člana 12. Zakona o kolektivnom ostvarivanju autorskog i srodnih prava („Službeni glasnik BiH“ br. 63/10; u daljem tekstu: Zakon), Institut za intelektualno vlasništvo BiH je izvršio nadzor nad radom AIS-a za 2022. godinu i usklađenost poslovanja sa Zakonom o kolektivnom ostvarivanju autorskog i srodnih prava, izdanom dozvolom, te opštim i internim aktima kolektivne organizacije. U postupku redovnog nadzora, Institut je ispitao i navode iz prigovora nosilaca prava (izvođača muzičkih djela) koje je zaprimio u 2023. godini, a koji su se odnosili na raspodjelu naknada izvođačima muzičkih djela, bez dostavljanja pojedinačnih izvještaja. O izvršenom nadzoru je sačinjen Zapisnik.

U postupku nadzora nad radom AIS-a uočene su određene nepravilnost u radi, zbog čega je Institut donio Rješenje broj: 04-47-5-526-7/23VT od 04. 12. 2023. godine, kojim je AIS-u naložio mjere za otklanjanje nepravilnosti u radu, u zadatom roku.

Predmetnim rješenjem AIS-u je naloženo da u roku od 120 dana od dana prijema rješenja otkloni sljedeće nepravilnosti u poslovanju: izvrši isplatu naknada nosiocima prava (izvođačima muzičkih djela) u skladu sa Odlukom Upravnog odbora AIS-a, broj: UO 06-04/2022 od 18. 05. 2022. godine; izvrši isplatu naknada izvođačima muzičkih djela iz Bosne i Hercegovine, koja su uplaćena AIS-u u 2022. godini (za period 2020. i 2021. godine), na osnovu Ugovora o recipročnom zastupanju zaključenog sa srodnom kolektivnom organizacijom PI iz Srbije, u iznosu od 42.006 KM; da nadležni organi AIS-a uspostave mehanizam kontrole unosa programskih podataka dobijenih od korisnika, način obrade podataka i obračuna izvođačkih naknada, sve sa ciljem da se raspodjela naknada izvođačima muzičkih djela izvrši na osnovu podataka o stvarnom korištenju djela, te da izvrše cjelokupnu analizu i kontrolu unosa, obračuna i isplate izvođačkih naknada za 2022. godinu i 2023. godinu i Izvještaj o izvršenoj kontroli dostavi Skupštini na razmatranje i usvajanje; izvrši dopunu Revizorskog izvještaja AIS-a za

WEB: www.ipr.gov.ba; e-mail: info@ipr.gov.ba

Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20;

Tel: Protokol +387 36 33 43 81; Ured direktora i zamjenika direktora +387 36 33 43 82 (Mostar);

Ispostava Sarajevo: 71000 Sarajevo, Bulevar Meše Selimovića 95, lamela C – 3.sprat; e-mail: sarajevo@ipr.gov.ba;

Fax: +387 33 65 27 57; Tel: Protokol +387 33 65 27 65;

Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 68 41; Tel: +387 51 22 68 40

Odjeljenja: Nacionalni žig, Međunarodni žig +387 33 65 27 98; Patenti +387 33 61 80 95, +387 36 33 43 81;

Industrijski dizajn, Autorsko i srodna prava +387 36 33 43 81;

2022. godinu, u dijelu koji se odnosi na obračun i isplatu naknada nosiocima prava (izvođačima muzičkih djela) i sazove redovnu sjednicu Skupštine AIS-a, na kojoj je potrebno razmotriti i usvojiti dokumenta predviđena članom 20. Zakona o kolektivnom ostvarivanju autorskog i srodnih prava, za 2022. godinu.

Institut je dana 19. 03. 2024. godine zaprimio zahtjev od Asocijacije izvođača i svirača, kojim se traži produženje roka za otklanjanje nepravilnosti u poslovanju kolektivne organizacije. Institut je, cijeneći opravdanim razloge navedene u zahtjevu podnosioca, uvažio predmetni zahtjev i donio Zaključak broj: 04-47-5-526-12/23VT od 25. 03. 2024. godine, kojim se produžava rok za uklanjanje nepravilnosti u poslovanju za 60 dana od dana isteka roka iz navedenog Rješenja Instituta.

Kolektivna organizacija AIS nije ni u produženom roku postupila po nalogu Instituta i nije otklonila utvrđene nepravilnosti u poslovanju kolektivne organizacije, čime je počinila težu povredu odredbi Zakona o kolektivnom ostvarivanju autorskog i srodnih prava. Takođe, Skupština AIS-a nije, u utvrđenom roku, u skladu sa članom 20. Zakona, usvojila godišnji izvještaj o poslovanju za 2022. godinu i ostala dokumenta predviđena ovim članom zakona. Zbog naprijed navedenog, Institut je donio Rješenje broj: 04-47-5-526-21/23VT od 03. 07. 2024. godine, uslovno oduzeta dozvola za obavljanje poslova kolektivnog ostvarivanja prava izvođača muzičkih djela, ne period od 12 mjeseci od dana donošenja rješenja.

AIS je dana 29. 05. 2025. godine održao sjednicu Skupštine kolektivne organizacije, nakon koje su ovlašteni službenici Instituta izvršili dodatni nadzor nad radom AIS, dana 11. 06. 2025. godine, s ciljem da utvrde da li je kolektivna organizacija AIS postupila po Rješenju Instituta broj: 04-47-5-526-7/23VT od 23VT, kojim su AIS-u naložene mjere za otklanjanje uočenih nepravilnosti u poslovanju. O izvršenom nadzoru sačinjen je Zapisnik. U postupku nadzoru ovlašteni službenici Instituta utvrdili su sljedeće: AIS je postupio po nalogu Instituta i izvršio isplatu naknada izvođačima muzičkih djela u skladu sa Odlukom Upravnog odbora AIS-a, broj: UO 06-04/2022 od 18. 05. 2022. godine, o čemu su dostavljeni sljedeći dokazi: Odluka Skupštine AIS-a o ponavljanju obračuna sredstava iskazanih u Fondu za neprepoznata djela za 2021. godinu u iznosu od 325.044,64 KM, broj: SK-16-06-2024 od 10. 11. 2024. godine; Izvještaj o ponovljenom obračunu sredstava iskazanih u Fondu za neprepoznata djela za 2021. godinu u iznosu od 325.044,64 KM; Odluku Skupštine AIS-a o usvajanju Izvještaja o ponovljenom obračunu sredstava iskazanih u Fondu za neprepoznata djela za 2021. godinu u iznosu od 325.044,64 KM, broj: SK-17-04/2025 od 29. 05. 2025. godine; AIS je postupio po nalogu Instituta i izvršio isplatu naknada izvođačima muzičkih djela iz Bosne i Hercegovine, koja su uplaćena AIS-u u 2022. godini (za period 2020. i 2021. godine), na osnovu Ugovora o recipročnom zastupanju zaključenog sa srodnom kolektivnom organizacijom za zaštitu prava interpretatora PI iz Srbije, u iznosu od 42.000 KM, o čemu su dostavljeni sljedeći dokazi: kompletan reobračun sa svim pojedinačnim izvještajima za 2022. Godinu, iz kojeg je vidljivo da su isplaćena sredstva u iznosu od 42. 007 KM; Odluku o usvajanju izvještaja o izvršenoj kontroli i isplati izvođačkih naknada za 2022. i 2023. godinu, broj: SK 17-02/2025 od 29. 05. 2025. godine; AIS postupio po nalogu Instituta i uspostavio mehanizam kontrole unosa programskih podataka dobijenih od korisnika, način obrade podataka i obračuna izvođačkih naknada, te donio Izvještaje o analizi i kontroli unosa, obračuna i isplate izvođačkih naknada, koje je usvojila Skupština AIS-a, o čemu su dostavljeni sljedeći dokazi: Pravilnik o mehanizmu nadzora i kontrole obračuna i raspodjele tantijema broj: SK P23-14/24 od 15.05.2024. godine i Odluku Skupštine o usvajanju navedenog pravilnika broj: S14-04/24 od 15. 05. 2024. godine. Takođe, AIS je formirao Komisiju i izvršio analizu i kontrolu unosa, obračuna i isplate izvođačkih naknada, te donio izvještaje koje je usvojila Skupština AIS-a. To su: Izvještaj o kontroli unosa, obračuna i isplate izvođačkih naknada za 2022. i 2023. godinu i isplati sredstava od srodne kolektivne organizacije PI iz Srbije, od 14. 05. 2025. godine i Odluku o usvajanju predmetnog izvještaja od strane Skupštine AIS-a; Izvještaj o ponovljenom obračuna izvođačkih tantijema za 2022. godinu i Odluka o usvajanju ovog izvještaja od Skupštine AIS-a broj SK-17-16/2025 od 29. 05. 2025. godine; AIS je postupio po nalogu Instituta i izvršio dopunu Revizorskog izvještaja za 2022. godinu, u dijelu koji se odnosi na obračun i isplatu naknada izvođačima muzičkih djela, o čemu su dostavljeni sljedeći dokazi: dopuna Revizorskog izvještaja izvršenog od revizorske kuće "Revizija – Auditing" d.o.o. Mostar, dana 07. 02. 2024. godine, koji je usvojen na sjednici Skupštine AIS-a održanoj 29.05.2025. godine (Odluka broj: SK 17-09/2025); AIS je postupio po nalogu Instituta i razmatrao na sjednicama Skupštine sve dokumente predviđene članom 20. ZKOASP, s tim da neki od dokumenata nisu usvojeni na sjednici Skupštine, zbog nepravilnosti koje je konstatovao Institut, o čemu

su dostavljeni sljedeći dokazi: Odluka Skupštine AIS-a o usvajanju Informacije o dokumentima koje Skupština nije usvojila na prethodnim sjednicama (Godišnji izvještaj o radu za 2022. i 2023. godinu i Revizorski izvještaj za 2023. godinu) broj: SK 17-11/25 od 29. 05. 2025. godine; Odluka Skupštine o usvajanju Revizorskog izvještaja za 2022. godinu sa dopunom, broj: SK 17-09/2025; Mišljenje Nadzornog odbora o dopuni Revizorskog izvještaja za 2022. godinu koji je usvojila Skupština; Odluka o usvajanju plana rada i finansijkog plana za 2023. godinu (broj: S-11-06/22 od 22. 12. 2022. godine).

Ovlašteni predstavnici Instituta su zatražili pojedinačne izvještaje o reobračunu i isplati tantijema za 2022. godinu, metodom uzorka, za 5 izvođača muzičkih djela. Iz dostavljenih izvještaja se može zaključiti da su izvršene korekcije isplata i da su sredstva iz reeobračuna umanjena za ukupan iznos od 132.315 KM, a isplaćeno je cca 11.000 KM.

Na osnovu naprijed navedenog, utvrđeno je da je kolektivna organizacija AIS postupila po nalogima Instituta i otklonila utvrđene nepravilnosti u poslovanju, čime su se stekli uslovi da se Rješenje Instituta o uslovnom oduzimanju dozvole AIS - u, za obavljanje djelatnosti kolektivnog ostvarivanje prava izvođača muzičkih djela, stavi van snage.

Na osnovu naprijed navedenog, a u skladu sa članom 14. stav (1) Zakona, Institut je donio rješenje kao u dispozitivu.

Pouka o pravnom lijeku: Ovo rješenje je konačno u upravnom postupku. Protiv ovog rješenja može se pokrenuti upravni spor, podnošenjem tužbe Sudu Bosne i Hercegovine u roku od 60 dana od dana prijema rješenja.

DOSTAVLJENO:

-Asocijacija izvođača i svirača (AIS)
Generala Mehmeda Alagića br. 6/III, Sarajevo

-a/a

